



Broj: 02-918-22/15

Datum: 09.01.2017.godine

Na osnovu člana 64. stav 1. tačka a), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) a u vezi sa Rješenjem Ureda za razmatranje žalbi broj: JN2-01-07.1-570-8/16 od 10.11.2016.godine, člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-918-20/15 od 29.12.2016.godine, (u daljem tekstu: zapisnik) za lotove 3, 7, 19 i 22, u otvorenom postupku javne nabavke prehrambenih proizvoda, objavljenom na portalu javnih nabavki pod brojem: 867-1-1-41-3-24/16 od 07.04.2016.godine i u Službenom glasniku BiH broj: 25 od 08.04.2016.godine, na preporuku komisije za javne nabavke, Direktor je donio

ODLUKU

o izboru najpovoljnijeg ponuđača

I

Prihvata se preporuka komisije za javne nabavke i Okvirni sporazum za javnu nabavku prehrambenih proizvoda dodjeljuju se ponuđaču

“Klas” doo Srebrenik za lot 19 – Med, u iznosu **30.000,00 KM** bez PDV-a,
odnosno **35.100,00 KM** sa uračunatim PDV-om.

II

Prijedlog okvirnog sporazuma dostavit će se na potpis izabranom ponuđaču iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

O b r a z l o ž e n j e

Postupak javne nabavke prehrambenih proizvoda pokrenut je Odlukom o pokretanju postupka javne nabavke broj: 02-918-1/15 od 22.12.2015.godine, putem otvorenog postupka objavljenog na portalu javnih nabavki pod brojem: 867-1-1-41-3-24/16 od 07.04.2016.godine i u Sl. glasniku BiH broj: 25 od 08.04.2016.godine.

Nakon javnog otvaranja Komisija je izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je sačinila rang listu ponuđača te je Ugovornom organu dala preporuku za donošenje odluke o izboru ponuđača koju je ugovorni organ prihvatio. Na odluku o izboru ponuđača, ponuđač “Bosna – kom” doo Gračanica je ugovornom organu izjavio žalbu za lotove 3, 7, 19 i 22 koja je proslijeđena

Uredu za razmatranje žalbi BiH. U postupku razmatranja žalbe, Ured za razmatranje žalbi je prihvatajući jedan žalbeni navod uvažio žalbu žalitelja te svojim Rješenjem poništio Odluku o izboru najpovoljnijih ponuđača za lotove 3, 7, 19 i 22 te predmet vratio na ponovu evaluaciju.

U ponovljenom postupku a na temelju Rješenja Ureda za razmatranje žalbi ponuda ponuđača TP DC "Sarajevo" dd Sarajevo nije bodovana iz razloga što ponuđač u Aneksu 3 nije popunio rubriku "zaštićeni naziv proizvoda". U svrhu evaluacije preostale 3 ponude, ugovorni organ je od ponuđača zatražio dostavljanje uzoraka nakon čije ocjene je dao preporuku ugovornom organu za donošenje odluka o dodjeli ugovora za lot 19 ponuđaču "Klas" doo Srebrenik, te preporuku za poništenjem lotova 3, 7 i 22, kako je sve decidno navedeno u zapisniku o pregledu i ocjeni ponuda broj: 02-918-20/15 od 29.12.2016.godine.

Razlog za izbor ponuđača "Klas" doo Srebrenik za lot 19, sadržan je u činjenici da je izabrani ponuđač podnio prihvatljivu ponudu koja je primjenom člana 64. stav 1 tačka a) ocijenjena kao najpovoljnija.

Razlog za poništenje postupka za lotove 3, 7 i 22 je u skladu sa članom 69. Stav 2) tačka (d) zakona o javnim nabavkama, odnosno nijedna od primljenih ponuda nije prihvatljiva što je komisija utvrdila u ponovnoj evaluaciji ponuda.

Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka a) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Dostaviti:

- 1 x Ponuđačima
- 1 x Komisiji za nabavke
- 1 x Službi za nabavu
- 1 x a/a



DIREKTOR
Doc.dr.med.sci. Nešad Hotić